

抱

冲

齋

詩

集

抱冲齋詩集卷二

長白 斌良 笠耕

司馭觀政集一

自嘲

有序

余以嘉慶元年任子今春及歲引見蒙恩授主事分太僕寺行走或有以閒曹自嘲者賦此解之

前驅左馭垂終古錄錄才慚大廐丞相馬道無殊相士浮雲理可悟浮生龍堆萬里時勤字虎帳三更夜論兵伏櫪不須嗟老大躊躇無以答昇平

齋前疊石成山頗得幽致因題一律

當戶羣峯湧天開小善卷雨餘堪滴翠望裏欲生煙雲竇通泉細松陰漏月圓興來呼石丈一拜一欣然

花朝日游紫竹院泛舟長河和漢子耕士鈞韻

蘭若依芳渚尋幽得暫過風花迷蝶夢煙月澹鷗波桺把叨官
圃魚苗種御河清游尙如昨驚見燕營窠

二月十五日夜坐

絳蠟明還翳蓮壺響復沈夜涼疑雨作院悄覺春深今夕宜明
月誰家理素琴枕邊殘夢在恍惚卻難尋

曉出西郭游紫竹禪院

田畔雀爭噪林閒月未沈孤村延曉色斷塔接雲陰枯木橫橋
窄喬松隱寺深言尋鷗鷺侶長此息機心

款竹山房閒詠

言尋中隱地西淀老莊窺釣艇迷紅蓼書堂隱綠蘿泉聲依枕
靜山色入窗多三徑苔痕滿羊求久未過

柴門秋水幽比瀟西居高枕容攤飯關門但著書魚租催豎
討菜甲課童鋤籬落豆花晚斜陽下草廬

范陽途次恭送 家大人之閩敬成一律

撲面驚沙冷旆旄范陽路繞古城濠獨衝風露凌荒驛欲剪萑
村靖海濤報國僅餘雙鬢雪宣猷深荷
一人陶遠書鄭重時相戒畫虎無須效伯高

聽雨樓漫興和崧亭四弟韻

離羣兄弟感參商忽漫相依賦短章泛蟻早爲行樂法門雞莫
逐少年場虛窗啟際雲生袂橫笛吹殘聲繞梁咫尺瀛洲攀未
得鳳城目斷柳陰長

獨乘返照上平臺不及高樓面面開四壁雲煙如讀畫一腔冰
雪合尋梅甕頭春溢甘長醉筆底花枯愧少才久坐西窗如對

客遠山排闥送青來

迢迢午夜小牀聯好句難搜問碧天寒重始知姜被暖天高惟
見客星懸白雲堆裏陳雙榻紅雪香中湧數椽漫把龍涎焚鵲
尾會心只在瓣香前

綠筠掩映子雲居花落花開只讀書明月詩篇三影共夕陽山
色六朝餘析敲夢斷小園靜風濛濛昏草閣虛亂石閉門惟鶴
迹此中高枕卽吾廬

半壁店途次書所見

霜壓唳烏月乍沈重裘猶怯朔風侵村多賽社逢年熟民樂歡
迎感惠深袖短何須矜善舞是役諸邑宰多
勉從事者足寒遮莫使傷心
願思單父安茲邑千載遺徽憶鼓琴

接淵尊書

十幅蒲箋萬斛愁蒙茸結束急歸休心悲歧路甘肥遞情戀高堂罷遠游詩酒坐催名士老湖山端爲故人畱年來舊侶真堪憶攜榼同登疊雪樓

送游彤卣侍御夫子

光緒

告養歸里

重把生涯託硯田師門歸計故蕭然層霄鵬翮三秋志孤驛蟬聲七月天極目雲深閩海路滿帆風飽潞河船朝衣脫卻斑衣換清夢長應到日邊

唱到騷歌意轉深幾回擊節復沈吟行藏自古誰同調忠孝由來共此心渺矣波深堪繫艇快哉風好任開襟謝公莫便東山臥多少蒼生望作霖

重九日偕吳蓼葺孝廉

寶裕

集飲款竹山房寄懷吳澗

萼

僻處城西遠市攜驚心物換又題餽誰懸短榻聯簪彥聊借卑

枝戢羽毛

時夢符假館張
辨山明府家

夢斷家山添雪鬢秋深賓館折霜毫

天涯客莫愁無侶猶有朋來勸濁醪

漠漠寒雲釀薄陰不緣風雨罷登臨尋幽人比黃花瘦懷遠情
逾碧蟄深桑落新筍燕市酒蒲牋舊著越溪吟側身南望思千
里霜信高翔託寄音

九日偕僕子耕燕山崧亭兩弟集飲陶然亭仍用辛酉
歲黑窰廠登高舊韻

南郭霜清葉落黃荻蒲影亂路微茫天空城闕迎眸湧徑窄車
塵接隊行前輩詩篇猶記憶異時褰屐莫相忘登臺休賦悲秋
什五色雲多望

帝鄉

苔磴藤牆賞未窮。勝游難復四人同。去來一霎如奔電，出處更番學候鴻。渚淺半形沙岸白，林疏遙露寺門紅。欲知天地商音壯，側聽蕭蕭木戰空。

孤亭直與白雲合，頓覺秋心入混茫。壁上蝸痕延作篆，鳥閒鳬侶起成行。僧因畱客茶常薦，我爲登高屐不忘。桑落吸殘拌一

醉，青州醕處卽眞鄉。

香山居士有一醉一陶然之句卽用其意

名士由來數每窮，同心契合思難同。轆軻身命纏磨蠍，漂泊羈愁感斷鴻。燕市又看籬菊燦，天涯何處板橋紅。照人螺黛如含意，萬疊西山翠埽空。

初雪

人靜煙霏獨倚闌，珊珊仙骨耐高寒。遙知雪落非梅落，不辨梅攢與雪攢。蒲薦繩牀容嘯傲，紙窗竹屋任安虛。亭鶴去歸來

未極目輕雲凍欲殘

冬夜偶成

獨對寒鐙一穗尖
宵深氣肅逼茅檐
索逋有客來何急
送臘無心事轉添
歲賸餘輝應刻燭
夢回長漏許歌鹽
愁多佳釀渾無力
倚枕終難到黑甜

太平莊雜詠

高齋宜款竹
雨夕更畱賓
地僻神偏曠
交深話益親
圃蔬供野饌
園菓薦時新
客有思歸意
庖人莫煮蓀

迷空紅雨漫繞屋
綠陰多村近聞雞
犬池寬足芰荷
開襟期北牖
晞髮效陽阿
坐待冰輪湧
臨風發浩歌

退食從人少
清游引興長
閒鷗臨水靜
凝蝶送春忙
紫雪亂舞瓦
青山高出牆
吾生無倚著
如逝歎流光

春日偕子耕蓼葦燕山游極樂寺

柳塢藏深寺，朋簪取次尋。
梵音喧貝葉，香樹植訶林。
流水淨禪性，白雲清道心。
何須巖壑隱，已少俗塵侵。

雨後新店途次用壁間韻

頓覺春如許，霞烘十里花。
橋低添野漲，路潤少飛沙。
流水浴村犢，歸雲帶溼鴉。
時清須自勵，老大莫傷嗟。

原韻云長安春色好無奈盛年嗟

宏恩寺古松

拔地虬姿健，蒼然太古心。
枝柯張翠蓋，風雨積層陰。
獨立雲煙迥，甯愁歲月深。
有時清夜吼，疑聽海潮音。

哭堂弟

景良

一紙傳初到，驚聞失雁行。
鄭蘭方擢秀，謝樹遽凋傷。
魂氣關山黑，鄉書道路長。
明年春草綠，可許夢池塘。

憶昔臨歧日依依獨愴神未知離別苦益見性情真成立期他日蒼涼歎此辰三號羸博淚遙念白頭人

題白蓮花卷子

七寶蓮池散白霞此身疑到梵王家幾輪照澈琉璃界何似當

年解語花

佛書蓮花大如車輪白色白光

凌波的皦月嬋娟愛爾冰姿玉貌妍若箇麻姑壇外立者番也

唱想夫憐

想夫憐爲相府蓮之誤見樂府解題

涼秋露白水如煙一滴妝成翠點鮮曾記金房抽綠葉與君添

寫碧臺蓮

碧臺蓮花白而瓣上恆滴一翠點房之上復抽綠葉似花非花見學圃雜疏

對月

萬古青天月宜人獨素秋關山千里道砧杵幾家愁玉鏡初開匣珠簾乍上鉤匡牀深露坐佳興擬南樓

邨暮

暮色蒼然至，團空露氣浮。
稻花邨舍路，蘆荻野塘秋。
螢閃人聲寂，燈明夜色幽。
蕭然塵市遠，策馬度荒邱。

野望

秋日正無極，秋光竟若何。
風拋初熟棗，露冷半凋荷。
佳趣閒中覺，涼颼幽處多。
徜徉情不盡，日落起微波。

秋日良鄉掃墓途中卽景

爽氣迎人健，脩途我慣經。
山虛含夕照，潦盡露寒汀。
科木鳴還歇，勞薪轉未停。
秋光誰寫得，疏柳短長亭。

立春前一日偕逸仙柳橋巽亭諸兄山樓小集

樓可顏花萼，相依樂事生。
雪融春有信，天迴月無聲。
談笑皆天趣，周旋薄世情。
西郊風物好，攜榼續前盟。

雪夜與濮子耕吳蓼葦飲抱冲齋分得坡公除夜大雪
畱維州韻適子耕出帶月荷耒圖見示卽題幀末

凍雲欲飛不得飛朔風終夜走相送五更虛白上窗明折竹一
聲破殘夢起視西堂雪壓梅自攜長笛爲三弄花天今夕無黃
昏籬落壺觴與君共紛紛玉戲陳前除昔昔鹽晶灑方空舉杯
招邀玉女來雲際翺翔驂白鳳蹁躚綺舞天風的皪清暉映
華棟大地平看眼有花中庭僵立足忘痛老農正望春麥好天
遣玉龍爲耕種吾曹縱飲須放歌醉倚梅枝聽擊壤

光陰如客不可畱餞臘一樽寒已送座中客子何時歸歲歲梅
花繞鄉夢憶昔紅橋春夜游手掬明月當珠弄天涯襪被今蕭
條千里惟應月華共終年屈首事翰墨絹素盈牀無缺空誰教
篆隸精入神垂如蝌蚪翔如鳳李斯程邈足爭衡尺幅輝光照

懷棟百年名輩飄零多但到思鄉飲須痛生無負郭田二頃那
將其豆南山種故園情事期他年夜雪擁門惟抱甕

道旁書所見

不種芙蓉與芰荷寒塘一碧任婆婆澄波如鏡舟如葉紅蓼花
疏秋意多

獄中有感用東坡韻

此詩命代作

家大人

寒盡溫回自及春順時且養病中身

兩朝顧重懷酬

國一己才疏敢怨人得鹿亡羊皆是幻然犀

懸鏡定通神莫云出處誠無愧興謗從來卻有因

鈴鐸聲聲入夜淒獄垣高聳覺天低半生辛苦鹽車馬此日拘
攣瓦甕雞投檄更無坡老弟納餽幸有敬通妻家山咫尺歸難
得望斷斜陽萬嶺西

夜赴西淀車中偶成

清露團空月落時
柳煙荷氣望迷離
路經坦蕩迴車少
睡到沈酣覺夢遲
老馬行應知得失
亂蛙鳴不辨官私
輸他抱葉寒蟬潔
猶自臨風占一枝

蘊齋程夫子

惟善

庚申春同

家大人之間迄今七載

始還都門悵然有懷率成四律

庚年分袂越江濱
綠柳陰垂渡口春
草沒馬蹏歸北冀
花扶雀舫到南閩
湖樓讀畫思前事
芸閣論詩感夙因
囊橐蕭條尙如故
先生贏得鬢毛新

年來事事與心違
虛想花輒步曙暉
蠹老愧難成羽化
鯨潛恨未掣波飛
此生枉侍馬公帳
三載空懸董子帷
笑我解嘲無別語
飽嘗西淀白魚肥

余甲子歲讀書西淀莊上是秋被放

書堂門逐小池開，猶記韶齡受讀來。
射鴨折殘窗外竹，捕蟬踏破砌邊苔。
追思嬉戲都如夢，話到蒼涼但舉杯。
休怪此身皆老大，綠雲覆屋手親栽。

詎是天邊老客星，新詩題徧短長亭。
蘆溝又見停征轡，瓜步空

思放釣舲。

夫子曾繪滄浪漁篴圖小照

事往浮雲皆過眼，酒闌明月正當庭。

萍蹤大與搏沙似，莫負梅窗燭焰青。

雨中偕蘊齋程夫子博山徐大

龍

子耕漢四集聽雨樓

卽席偶成

溼雲壓樹畫冥冥，草沒池塘竹掩扃。
人靜始知春欲去，酒闌不覺話忘形。
乍添池縠三篙輦，更洗修眉一抹青。
入夜但愁聲轉急，夢回短榻不堪聽。

風葉煙梢鳥下浮，頓驚身在最高樓。
啟窗雲氣涼侵袂，捲幔山

光碧入甌撲面飛花初淡沱
依人垂柳倍夷猶吳歛休唱江南
好節屆清明客易愁

題背面美人圖和徐博山韻

五銖衣薄颺輕風小
謫瓊華返碧空
愁我情癡窺紙背
盼誰密約面牆東
不緣寫恨臨飛白
應是懷春怨落紅
蜨夢花魂勞想像
斷腸偏在畫屏中

和陳雲伯大令

文述

金鼇玉螭卽景詩

飛閣連雲湧長虹貼水眠
風光小蓬島花月大羅天
柳影依欄曲松陰俯殿圓
人來圖畫裏望去卻疑仙

聖后親蠶地條桑植

御園龍旗排繡陌鳳幟集朱門
仙仗移

花影宮車亂草痕
年年暮春節桃李燦雲崑

銷暑瓊華島迎暉寶月樓
藕花風信晚蕉葉雨聲秋
緩控黃金

勒閒披素綺，裘侍臣來入直也。抵未央游。

柏枯園仙閣，魚龍護講臺。香雲隨處裊，花雨蔽空來。永祝金甌固，欣看紺宇開。小臣思作頌，簪筆愧無才。

浮屠開法界，鐘鼓祝皇釐。盤滃三霄露，堦盈五色芝。鸞翔金扇動，龍負綵舟移。太液春光早，東風綠柳枝。

湖山金碧煥，麗景屬官家。檻亞三眠柳，窗開四照花。晴嵐綿北苑，旭日曜東華。朝罷催歸騎，遙天點暮鴉。

峯巒空翠裏，一幅輞川圖。畫舸搖明鏡，珠簾映玉壺。竹煙凝欲滴，荷氣淡疑無。風定波如拭，琉璃萬頃鋪。

淡月疏星候，衣冠拱帝宸。煙輕迷翠澈，露挹重朱塵。雲擁催金馬，雷鳴轉畫輪。微茫西院曉，錯認柳爲人。

複道憑林轉，迴廊倚谷盤。夜涼魚避月，晝靜鷺窺闌。風雨虛吟

舫煙波負釣竿豈無濠濮想 盛世敢求安

今代淩煙閣論功畫紫光貌貅虛作隊襄鄂儼成行汧渭停傳
箭岷峨罷餽糧西征問烽火久已靖欃槍

綺閣空濛裏靈臺縹緲間春陰凝作雨新綠擁如山雲帶峯腰
細苔衣石面斑鶯花齊望 幸喜得近

天顏

社日

春社人初散誰醅酒治饌煙沈寒食後春在鳥聲中淺草侵簾
綠殘英擁逕紅芳園豔桃李惆悵妬花風

老吏

混迹風塵不記年折腰應識愧前賢久疏文墨親刀筆賸有心
情戀俸錢資格漸深頻晉秩囊裏少裕想歸田蒼鷹乳虎平生

事收拾鋒芒學靜便

老將

關山戎馬竟生還戰罷歸來始自憐
峻業圖麟歌盛世短衣射虎憶當年
奇勛曾勒燕然迹舊甲猶沾劍血鮮
強飯據鞍休自得承平久矣靖戈鋌

老漁

滄江白髮興如何細雨斜風老綠蓑
身世暗隨流水逝嘯歌閒遣夕陽過
眼前鷗鷺忘形久足下魚龍變態多
惟有岸旁枯柳樹年年相伴臥煙波

老妓

畫棟春深燕不歸苔封門逕但斜暉
身如弱絮傷無定面擬緗桃歎已非
歌板都翻新彩縷香囊猶繫舊羅衣
落紅如雨東風

峭觸忤閒愁告阿誰

地安門外蒨蘆海北岸有酒樓三楹掩映於綠楊紅蓼
閒頗得幽致暇日偕友人集飲樓中漫題二律

身欲凌風去高樓水氣中翠橫山繞郭雲亂塔當空卻暑除烏
帽迎涼吸鴉筒何期人海裏清絕此游蹤

岸曲深楊柳湖寬滿菱荷勝游如夢杳俗客比山多運動魚吹
浪萍開燕掠波何當涼月上乘興發高歌

寄崧亭四弟

時從

家大人伊江之役

雪窖冰天千萬里那堪遠戍七旬人白雲望斷無消息陟岵空
餘淚滿襟

百端交集感茫茫和淚書成字幾行中有一言須記取嚴親左
右慎扶將

傷心何日賦刀環目斷蒲昌雪裏山縱使相逢託魂夢夢中誰識玉門關

放舟二牖

輭紅塵裏住經年放棹欣逢菡萏天白版界開雙牖水綠楊染就一溪煙強邀山影供詩興醉倚灘聲習靜緣一事燕南驚見少河魚賤買不論錢

過翊教寺憶月印上人

滿地松花靜掩扃頻過漸與鶴忘形參寥已化泉猶咽山谷重來桂欲零法界雲歸溪月白講堂門閉佛鐙青觀空生死渾閒事默誦楞嚴一卷經

澹園八詠

聽雨樓

深院春聲喧細雨東風送香燼夜鐙殘喚醒江南夢

逸亭

結茅在何處古松流水閒綠雲指下奏白鶴雲中還

小虹橋

雨過生微涼洗出長虹影人立曲欄邊卻與高荷並

鳧涇

蓼茜照寒漪葭薈迷蒼靄漁翁狎水禽見人意不改

碧峯

插天青芙蓉疑是巨靈擘白雲本無心穿破玲瓏碧

蓬廬先月

野人無所得寂寞守蓬廬清光排闥入相與照殘書

竹韻齋

清風穆如來鏗然真寒玉四面綠雲涼疑是簣簩谷

曼陀花舍

梵舍依香林齋心卽面壁清磬一聲圓天花落講席

秋日寄懷吳澗尊七十韻

良友頻年別徒勞夢寐親風前方企足天末正懷人雲斷無征
雁江清少泳鱗撫時嗟荏苒感舊益酸辛道重鬚眉古交深意
氣真斯人猶未遇直道與誰鄰家世延陵子文章戴叔倫同心
託蘭茝高節擬松筠回憶初謀面追思倍愴神相逢猶恨晚佳
會豈無因把袂吳山麓連鑣越水濱衙齋邀設帳節院喜連茵
問字欽中散通經匹闕駟冰裁詩一卷花引酒千巡共泛鸞湖
月偕嬉鳳嶺春採山麋鹿友釣水鷺鷥馴風雨登臨會鶯花被
禊晨蟀鷓鴣驚改序徒倚動經旬宦轍移三浙輶車指八閩旌旗

南下急軫轡北歸頻旅次期相伴觚棱樂並臻江山清望眼雲
水寄閒身風景游堪紀繁華迹未湮煙花廣陵夢金粉六朝塵
懷古尋殘碣參禪轉妙輪風流阮何侶瀟灑葛懷民常蠟游山
屐時敲墊雨巾關心動吳越瞥眼及河濤車鐸因風語炊煙繞
樹屯荒雞依店唱村犬隔籬犢消渴張粲肥澆愁魯酒醕朝饗
惟翦韭宵旅暗披榛撲面颼蒙蘊褰裳汶濟粼風塵終僕僕羣
馬共駢駢燕趙遨游壯園林款曲申最宜披短褐稍喜息勞薪
竹屋安茶竈蓮溪整釣綸學醕同賈董契洽比徐陳雲閣香消
蠹梅窗燭剪銀文心如剝繭清論若抽緡幽奧相研討奇疑許
細詢櫟樗承郭削挺埴感陶甄友誼師同範交親話愈諄夢虛
游桂府居枉近楓宸雲路無緣躡天梯少路循西風憐毳毼東
野苦迢迢竟困池中物誰呈席上珍窮途悲阮籍相馬失方歎

涼露飄金粟輕颺冷白蘋劉蕡嗟入洛李賀悔游秦依樣青衫
舊居然白髮新有誰供菽水那不憶鱸純柳暗旗亭壁花迷古
渡津語溪波潏灩秦望碧嶙峋窟已蟾蜍遠盤仍苜蓿勻太常
滋味薄鬢序禮儀瀟雅度翻違俗華才莫濟貧門寒可羅雀衣
敝欲懸鶉早出峯巒諂遲歸魚鳥嗔客來游冀野茗罷話吳閨
中饋修無婦高堂侍少嬪梁鴻聞舉桡射吉喜聯姻家室欣龐
定泥塗歎未伸鱸鄉聊偃息燕市畏羈淪桑梓情雖篤雲霄志
莫泯會須親捧檄休便老垂綸菲薄慚投紉纏綿愧指囷高秋
奮鵬鴉壯志畫麒麟遠思澄青靄幽懷映碧蘋杏花紅繞郭埽
榻待嘉賓

同懷弟法良校刊

男崇福謹校重刊

抱冲齋詩集卷三

長白 斌良 笠耕

左民使瀋集一

新晴

嫩涼天氣奈愁何
小立灘頭聽棹歌
漲退痕猶黏野蓼
風來珠尚走新荷
鑪香今夜依簾膩
花擔明朝入市多
樹底忽聞雙鵲噪
聲聲卻似話融和

玉田途次

亦知前路遠
辛苦策征鞍
山壓荒城小
霜催落木殘
詩情和月澹
鄉夢入秋寒
幸洽朋簪慶
何愁客影單

沙河驛

柳色染平皋
沙虛任馬驕
雜花侵路窄
亂石疊牆高
芒角消村

釀風塵黯客袍
雞栖催整轡
鞅掌敢辭勞

夜宿禪寺

輕裝無處著
隨意寄雲房
彌勒同龕臥
頭陀繞座忙
僧鐘醒塵夢
佛火耿幽光
願祝人無恙
心香賽法王

過永平

滌洞野水抱城斜
紅樹山村繞白沙
盡道今年秋稼好
短禪新絮木棉花

山海關

萬里嚴關一綫通
海山深鎖亂雲中
金甌永保無疆慶
玉壘羣推第一雄
魚爛內憂傷勝國
龍飛壯業想新豐
我來正值西風颯
好把秋心託塞鴻

三里橋

寂寞荒村裏風飄滿面塵紙窗寒漏月土銼冷然薪白板裝扉
做紅泥研壁勻於斯聊偃息疑是葛天民

題高橋驛壁

淒涼傳舍矮於舟爲息勞肩得小畱耦語僕痛愁陟險孤吟人
瘦怕經秋荒雞曉破夢千里飢鼠窺殘鐙一篝明月關山風物
冷呼童檢點敝羊裘

杏山道中

家山回首暮雲邊籬落秋英正門妍黃擘霜螯紅滴酒香番辜
負鞠花天
輾輾車行引睡魔低眉趺坐學頭陀鈴聲似解征人意月細風
尖喚奈何

廣甯驛舍喜友人同宿

孤岑渾似退歸僧乍解輕裝快得朋壤壁亂題詩似夢清宵轟
飲酒如澠牀分上下棲難穩廨隔東西喚即應貪話羈人眠較
晚峭風紅飈短檠鐙

柳河道中有感

目斷伊江萬里書望雲渺渺正愁余思親面灑冰天淚憶弟腸
摧石磴車何日賜環蒙召返當年積賦乞

恩除

時追繳賂頂甚迫

可憐盡室家三處羌塞觚棱各一墟

家大人遠戍伊江

家慈寓居京邑余又馳驅赴藩言念及此不禁愴然

廣甯道中寄燕山遠亭二弟

不須坡隴仁清暉綠萼梅舒待我歸小閣琴書加護惜高堂菽
水莫乖違釣鼈手恨無長綫射虎心徒寄短衣羨殺空冥霜信
好關山猶作一行飛

永安橋驛夜有感

去年此日寒風裏正繫西臺學楚囚
今夜關山慘行色滿天明
月照離愁鞠鰲魚腹疴全愈
薏苡明珠謗亦休知我來年住何
處浮生渾若泛虛舟

恭謁梭爾和祖墓敬成一律

墓門寂寞古雲封山繞溪迴氣勢雄
松走虬龍農挹露草眠石
虎夜嘶風牲怪敬展元孫禮碑碣猶存
太祖功歲祭恨難親拜掃征袍淚溼杜鵑紅

恭謁蜚公祖墓敬成一律

一甌麥飯奠皋邱報本心誠益感傷
五世箕裘欣未墮百年俎
豆儼成行松龍靜若端朝展石馬雄
思立戰場
聖代褒功昭曠典豐碑細讀向斜陽

畱別瀋陽

虎踞龍蟠舊鎬京，壯游轉益氣崢嶸。
九重宮殿欣初覩，千里襟懷得暫傾。
小住渾同鴻印迹，言歸卻背雁來程。
故都再到知何日，策馬山城繫客情。

永安橋雪夜題壁用東坡西臺書壁韻

舉頭忽失月纖纖，千里同雲布漸嚴。
驛路柳衰驚慘絮，家山梅綻憶調鹽。
不嫌積素迷鴻爪，已覺飛靈壓帽檐。
曉發回看冰柱湧，凌空孤塔影尖尖。

蕭瑟荒城噪凍鴉，征人南陌滯行車。
村農有慶滋新麥，天女多情翦玉花。
布被寒因添此夜，石銚春定貯誰家。
灞橋風雪尋詩慢，敏捷才須遜八叉。

孤家驛舍雪仍疊前韻

黏天微露草痕纖冷逼重裘氣倍嚴灰落豆秸傾易酒香浮菜
英撒吳鹽空聞飢鼠鳴倉角不見寒禽下屋檐欲寫消寒短長
句玉蟾蜍凍褪霜尖

郊垌木脫盡栖鷓野店泥深小駐車亂灑荒溪看膠葉輕黏枯
柳訝生花迷殘古道征人騎冷透空山隱士家沅粉渲雲摩詰
畫是誰高展玉鴉叉

過胡家鋪小嶺

振策登臨挹氣清羣峯合沓曉雲橫人家半在寒山腳幾縷炊
煙膝下生

晚抵廣甯站口號

馬頭冉冉孤雲上古道微茫著意看一簇荒村幾茅店不知何
處駐征轡

北鎮廟

崔嵬峯勢聳難攀紺宇遙開碧落間配極至今資重鎮百王曾
此奠高山雲封遺廟沈秋影雨蝕殘碑繡蘚斑宸藻淋漓昭
日月翠華想像謁

陵還

山勢東趨壓廣甯芙蓉幾朵列圍屏雲迷雉堞千重白霜冷虬
松萬古青浩蕩鵬盤低朔漠扶搖鵬奮接南溟時清早撤防邊
騎戍栗吹寒對曙星

游醫巫閭山

天外孤亭得曠觀門蘿繞盡磴千盤雲門瀑吼晴還雨松逕濤
喧暖亦寒欲與飛猿爭道路頓頓驚栖鶻落峯巒蒼茫微壑深無
寶俯首應愁下界看

登晴望峯

欲窮足力逞攀躋一笑翩然到翠微
人入亂雲披絮帽龍盤曲澗拂苔衣
舉頭常覺青天近放眼翻嫌大地違
履步漸高神愈竦須知極處伏危機

重宿高橋驛題壁疊前韻

浪迹真同不繫舟又攜襆被此淹留
柝聲攪夢嫌長夜殘月窺簾憶早秋
嚼雪詩寒侵硯滴護霜衾薄費香篝
蒙茸厭著征袍重欲向仙人借綺裘

出塞曲

毳幕依山入夜涼拾薪然火炙黃羊
鴟絃彈徹伊涼調歌罷旋驚月似霜

沙磧連天目欲窮明駝守夜馬嘶風
草閒狐兔奔無定知是前

岡獵火紅

將軍觀獵赫連臺
綵簇牙旗八面開
一騎飛來如電掣
黃封鹿尾進鮮來

禿襟小袖氣雄豪
楷矢桑弧各在腰
笑殺吳儂新習射
帶綬綵縹曳征袍

游首山潮音寺

路出首山蹊倏爾動游興
林樾窮幽探延緣覽佳勝
漸入深山深撥雲覓幽徑
松根迸蒼崖蘚花澀危嶺
細草訝平鋪圓菌如密釘
地僻樵子稀落葉寒沒脛
鐘聲在上方精藍寄雲磴
攀蘿叩寺門高呼卻少應
經龕閃孤鐙天風颯清磬
矻然講堂開中有僧入定
見人禮數疏與話罔聞聽
形枯瘦於鶴面削清光瑩
楞嚴久不看圓覺差堪證
是從小演法直欲追大乘
絕世一何

深白雲泯酬贈四壁空所有冷齏堆破甌客至茗椀虛吾師亦
何吝不知忘情者乃與荒寒稱坐久夕陽沈煙靄前峯暝歸途
渺難尋心急步踳躑援猱對面唬未覩目空瞪鐙火僕來迎恍
若宿醒醒斯游信奇絕回憶殊悽悽

游湯山天池浴於溫泉石室漫成四絕

天池誰鑿碧淪漣泉沸疑從活火煎始信仙人須換骨一經澡
雪卽輕便

三尺方塘白雪瑩碧琉璃滑瀉無聲一泓翻惜清冷甚濯足如
何不濯纓

浣滌能祛疾病根伐毛妙術詎同論蒼崖一樣甘泉湧遠勝巫

閭聖水盆

聖水盆在醫巫閭山石甃甚隘泉水亦寒人不能浴

浴罷雲堂客換衫瓣香頂禮小莊嚴

湯泉在觀音庵中

分明大士楊枝

水欲度羣生早脫凡

途次七里坡

東來山勢最崢嶸
百里曾無十里平
砂捲卻嫌衫袖重
泥融翻喜客囊輕
凍開溪活禽爭浴
路窄崖懸馬並行
欲借魯陽戈倒
影好舒長日趁歸程

登澄海樓用東坡游金山寺韻

眾峯東下蓄勢奇
似龍蜿蜒奔入海
巨浸前橫地忽窮
臨虛結構高樓在
飛甍四面壓陂陀
雄城百尺凌滄波
凭闌回首望京
邑寒雲難及羈愁
多欲尋銀漢無舟楫
獨立蒼茫看出日
紅輪倏自扶桑昇
一丸火齊經天赤
崩崖浪激駭幽魄
鯨鯢舞蹈掀濤
黑清光浩淼接天
明鷁首橫飛若鳥
驚斯時萬慮應消
釋靈府瑩然洞無
物題詩未敢向空
山恐被山靈笑鈍
頑一事平生

快莫比目空碧海難爲水

晚抵撫甯

暮霞一抹襯斜陽淡染胭脂淺暈黃城角一行歸雁驚山頭幾
點下牛羊眼迷古堠疑人影足踏荒溪入鏡光長路夜行須自
慎莫教孤負倚闌望

深河驛小憩

籬弱沙虛水浸門蕭疏髡柳傍孤村鴻飛殘雪冥無迹人履嚴
霜薄有痕楫杙燒餘茅屋煖葡萄傾入酒杯溫風尖月細長征
候不聽鈴聲亦斷魂

曉行曲

玉田道中作

啟明高挂東城邊欲落未落光燦然雞聲喔喔攪殘夢僕夫勸
整珊瑚鞭斯時偃臥倦難起儼如珠箔蠶連娟睡蛇蜿蜒鉤未

轉黑甜鄉裏真安便筋勞骨脆神不王通體軟若兜羅綿披衣
盥漱強撐拄眼花炫借鐙花擎蒙茸結束殊草草征人就道遲
畱連林深路阻走昏黑步履屢視防踣顛寒星幾點照高樹暗
塵三尺迷遙阡十里五里驛牌遞長亭短亭古堠聯生涯自信
隨馬足陂陀曲折歎延緣須臾鐙火到店早解裝駐足出日先
柴門寂寞少停客土銼冷落無炊煙曉寒中人如潑水侵膚凜
冽重裘穿鬚鬢鬢髮似蓬葆櫛風沐雨非虛傳車塵馬足總未
息飄蕩甯異風中鷲約期四十有五日計程一百餘三千道塗
僕僕何爲者浮生枉被虛名牽遙知寒梅窠石茅檐裏有人擁
絮猶高眠

歸次別山驛喜成

來時碧柳暗平蕪倏見霜痕亂草鋪野老重看曾宿客驪駒猶

認昔經途三杯濁酒澆愁薄千里寒山入夢無
東來山勢到此即斷故地名別

山咫尺觚棱歸路近五雲深處望皇都

和吳荷屋侍御榮光典試之江

聖時不用逆鱗批繡袞班聯玉殿西華省共傳旌指浙文星快
睹耀躔奎持衡允若量材尺秉筆清於照渚犀珊瑚網遺枝欣拾
得感君相賞在塗泥
吳潤尊得預是榜故及之

同懷弟法良校刊

男崇福謹校重刊

抱冲齋詩集卷四

長白 斌良 笠耕

望雲陟岵集一

戊辰正月得塞外家書感成兼寄崧亭四弟

聞道龜茲萬嶺西
炎天猶是雪淒淒
葡萄酒美愁難豁
木葉山高望總迷
節鉞昔曾邀重寄
林泉莫漫想幽棲
玉關奉詔歸來日
快覩風飈蹴馬蹏

傳來尺素萬千程
讀罷蒲牋百感生
陟岵漫彈今日淚
對牀回憶昔年情
佩符出鎮

恩彌重解組歸耕計
未成東閣秋眠人
寂寞涼宵怕聽雁
來聲曠達天資愛子由
別來兩見塞垣秋
雪埋蔥嶺應塞度
雲暗盧溝只夢游
壯志未酬空說劍
鄉心無那獨登樓
何年風雨西窗

下翦燭同傾碧玉甌

得吳澗蓴書

別去渾如昨書來動隔年行斜知目退箋疊驗情牽
帝里鐙初放天涯月共圓幾時風力順吹到孝廉船

題陶鳧香

梁客舫填詞圖

橫塘綠漲水迢迢一舸輕颺泊畫橋鏤雪團香新舊恨一齊付
與去來潮

畫裏風流想見之曉風殘月寫新詞瓜皮艇子衝波去彷彿小
長蘆釣師

春日自題澹園

拓得城南地緣成水石觀屋低因樹作徑窄借花攢峯影青排
闌波光綠到欄一枝聊自息莫作沁園看

通戶橋痕曲當門樹影圓殘英紅覆地古柏翠遮天竹篴新茶
閣瓜皮小釣船何妨春水淺乘興偶洄沿

萬里龜茲外傷心遠戍人壁詩經雨淡池草爲誰春蔥嶺猶衝
雪桃源孰問津望雲情自切淒斷是良辰

春雨溟濛裏花南結小樓殷紅霏鳥下香夢繞枝頭茗自呼童
瀹棊還待客收又看新燕子雙翦動簾鉤

池上幾竿竹雲中一草亭閒來攜榼過到此靜忘形流水杳然
去羣山如此青塵寰寓真意何事託滄溟

虛閣臨流結莓苔綠上牆敞窗驚月皎捲幔颯風涼簾影連波
影花香和硯香往來鷗可狎相對俯魚牀

平臺宜遠眺村郭景相兼雲截山無頂林深塔露尖客愁斯際
渺謂湖海子詩思近來添最愛繁花木香濃壓帽檐

菰塍開小圃點綴學村墟水碓蒼煙外柴門夕照餘看花閒有約種樹偶求書九陌黃塵滾歸田願未如

吳澗尊南歸已七年矣今春計偕入都仍下榻澹園撫今追昔悵然有作

自別論文友於今已七年蘭交欣再訂蘿月怡重圓白髮明鐙裏青山舊夢邊曲江春宴上爭看裊絲鞭

春夜感懷

張角星躔竟莫論寒烏唳處斷人魂愁腸往覆輪千轉舊事消磨月一痕半壁殘鐙光黯黯滿庭香霧影昏昏小園似未容高臥風迫花梢夜打門

田家

楊柳輕陰四面遮茅檐層疊豆棚斜遠山當戶濃于畫野葛栽

衫薄勝紗滿眼兒童喧麥飯到門賓客餉茶瓜北窗一枕羲皇
侶羨爾幽棲野老家

過城西椒山先生故里

荒祠寂寞枕城闌故里流傳二百春豈獨可憂惟馬市不知難
犯是龍鱗殘生幸免逢魑魅兩疏真堪泣鬼神枷鎖餘香今尙
在停車弔古一沾巾

竹韻齋落成詩以誌之

草堂敢擬瀛西居半畝翛然自有餘喬木百年當戶立修篁萬
个帶煙疏焚香細讀新題畫插架重排舊賜書不羨連雲諸甲
第數椽吾獨愛吾廬

塵囂靜處卽巖阿莫向門前數玉珂爲學虛心多種竹不緣補
屋亦牽蘿雲橫亂石師倪嬾錦綴名花想郭駝寄語羊求須過

我清尊正待瀉紅螺

淡沲尤宜雨後天
千竿寒玉醉蒼煙
涼颼乍動鳴蟬外
秋思偏生候雁前
點筆石闌詩裏畫
吸茶香院口頭禪
竹泉洗鉢偕僧侶
彈指雲棲別九年

虛窗滿耳雜竽笙
矯首天山萬里情
伴我吟懷蛩語暗
照人離緒
蠟光明神傷陟岵
新篇什夢憶聯牀
舊雨聲惟願玉關
承詔入萊衣
競獻菊花觥

種竹

此君相對堪醫俗
移向幽齋意渺然
望去已能障午日
刷來猶自帶溪煙
試茶僧過參禪味
讀畫人來結靜緣
回首韶光九年別
夢魂常繞越山邊

新秋

風動虛堂罷鬱蒸，
袷衣初試鶴紋綾。
支離老檜形逾健，
寂歷疏花態轉增。
蕙帳尙嫌喧白鳥，
芸窗稍喜散青蠅。
翠筠含露煙梢亞，
侵曉闌干試一凭。

家大人奉

詔還都喜成

丹詔遙傳萬里春，
舉家相慶見嚴親。
喜逢過望翻成感，
恩出逾常怕未真。
馬勒衝殘蔥嶺雪，
刀環唱徹玉關塵。
承歡深幸烏私遂，
爭看萊庭綵戲辰。
自是

君恩許挂冠，
移文漫向北山看。
清時敢說歸田好，
病眼其如視事難。
塞外風高榆易落，
籬邊秋晚菊初殘。
燕南霜雪西羌月，
二載光陰一夢闌。

曉起漫成

餘暑侵人夢不成
匡牀獨坐向檐楹
傍堦蛩亂和煙咽
挂樹星疏比月明
藕榭雲涼臨曉散
竹軒石瘦入秋清
隔牆砧杵聲何急
令我遙生玉塞情

雨後遣興四首

金飈作意放新晴
頓閣空階溜雨聲
陰久卻如中酒味
雲開大可健吟情
漸沈茶竈蛙爭鬧
試檢芸編蠹暗生
快覩今朝初霽景
疏林斷處落霞明

雨歇池塘漲未消
高荷大芋影蕭蕭
夕陽紅亞窺書舫
新水藍拖過板橋
鼓枻欲偕漁父隱
提壺不待酒人招
泥深莎逕誰相問
賸有魚經伴寂寥

竹塢菱塘記昔經
依稀屐齒印苔青
曬衣蛺蝶低香翅
翹足鷗

鵲刷粉翎風約涼雲歸別浦煙收空翠落虛亭小凭欄際明人
眼誰寫芙蓉入畫屏

颯颯西風裊髮絲沈寥天淨乍晴時涼蟬穿樹聲仍澀飢鳥窺
人下每遲世事有權難免俗琴書無恙未全癡小園泉石清癯
甚掉首臨風試詠之

夢

來時桂萼去朦朧半在輕寒薄醉中夜雨聲疏敲未覺秋燈焰
短照初融百年勳業須臾致千里音容片刻通蕉鹿因緣蝴蝶
影達生理徹本空空

想

萬種情懷一樣癡茫茫何處可通辭看花振觸經年事捲卷空
爲異代悲南浦草深人別後西窗燭燼鴈來時春雲望斷真無

賴寂寞摧殘兩鬢絲

笠

誰裁青箬帽輕便一領蓑衣舊有緣西塞漁歸遮細雨東菑耕
罷聚輕煙檐敲曲徑隨枝亞影倒澄波似鏡圓從此間鷗常作
伴故人何處揖車前

屐

一生不插塵中腳野店孤村任往還子弟關心忘折齒登臨餘
興夢尋山雨深苔逕痕難泯風掠溪橋韻自閒知否平生穿幾
雨莫緣邱壑阻躋攀

農曹值宿

露下庭寒靜自知夜鐙搖漾影迷離秋深東廨吟香晚吏散虛
堂署字遲漫謂持籌通國計但嚴綜覈愼心期虬鐘乍歇眠難

穩待捧 黃封集 鳳池

十五夜奉 家慈賞月學禁體詩一律

浮雲埽盡一輪滿拌得虛堂徹夜看地隔關山應共照庭涵秋水不生瀾匏笙聒耳難禁熱竹葉澆胸自耐寒願祝全家同此月年年常似影團圓

韜華館晚成

鴉點長空散黃昏小院幽簾深含暖意窗暝度春愁倚枕來詩夢呼鐙門酒籌兔華今夜好亭榭足遲留

九日偕吳澗蓴漢子耕集飲竹韻齋分韻得重字陽字入座修篁翠影重寶聯吳越一尊逢亭幽倍覺秋光淡酒薄難禁旅思濃人與黃花同澹宕鳥兼紅葉下從容題餽預想登臨樂夢到來青第幾峯

瀟瀟風雨又重陽
檢點萸囊興欲狂
詩被催成吟未愜
事徵已往話偏長
蛭肥共擘雙螯雪
菊冷能禁一夜霜
記否傍花村畔路
新筍沽得一帘香

家雲耕仲兄招飲賞菊率成四律

窓窓令節過題餽
折簡招邀興共豪
佳色滿庭看鬥豔
清尊轟飲各分曹
漫云野圃容何淡
能耐秋風格自高
露質霜痕圍座右
莫教孤負手持螯

看花爭識養花勤
秋冷霜腴種自分
烏帽立斜三逕月
鴉鋤耕破一畦雲
飛來蛭蝶如招隱
剔淨螭螭合策勳
共向西風聯雅集
何人把酒酌陶君

彭澤高蹤孰繼之
漫將幽興寄東籬
筆沾清露詩皆瘦
杯惹寒香酒不辭
蓬鬢暗隨風物改
秋心只許月明知
肯同金粟爭芬

馥晚節含香自有時

棟莢欣聯一室春非關投轄學陳遵性甘澹泊花真逸賞到煙霞趣最真幽鳥同枝窺露砌冥鴻作陣散霜晨茱萸徧插多增感目極蒲昌少一人

此會余兄弟皆集其中
惟松亭隨侍烏什未回

謝半園老人惠柿

遠貽佳果笑傾筐綠橘黃橙好並嘗涼沁玉池消病渴氣通鼻觀細參香葉疏尙憶僧廚句蒂落猶含野圃霜珍重主人情不淺寒林小摘立斜陽

冬夜偶成

夜烏曉罷不成眠起視空庭月皎然麕眼籬疏篩細影龍鱗松古冑蒼煙徑紆誤蹴林閒筍流澀微聞澗底泉佳趣偏於靜中得雲階霜重聳吟肩

題傅青主先生山村樂圖

登場穉稭似雲屯
畫出西風碌碡村
驂篠兒童歌慶有
太平風景在衡門

寄懷韓芸舫御史

克均時巡漕津門

不見城南韓給諫
一回相憶一般然
曾同丙夜修

天籙獨向丁沽轉
漕船驄背吟春人
不避螭頭拜疏眾
爭傳何時來赴消寒會
舊雨重聯臘雪前

戲題桃花扇傳奇後

黨禍東林半激成
一時偶儻重侯生
如何國恥無人雪
門戶空嚴復社名

翠樓天際響雲璈
蠻榼樽門豔天珍
果拋來心欲醉仙郎
帕底拾櫻桃

排難翻令愈結仇
阮郎空費助纏頭
多情龍友殷勤護
半附清流半濁流

丁家閭子水雲涼
鐙舫秦淮獨擅長
一自秣陵簫鼓歇
不堪回憶舊端陽

王孫驄馬漫句留
碧玉生來只慣愁
楊柳板橋人去也
春光深鎖媚香樓

草草南朝短夢過
中興事業託笙歌
深宮半夜傳中旨
不選熊羆選翠蛾

半壁山河獨障難
孤忠力盡泣空壇
江流不轉留遺恨
嶺上梅花萬古寒

無端鉤黨激紅裙
燕子樓頭泣暮雲
便面花穠人面改
平康佳話屬香君

忠勇甯南肯拔都貔貅無那之軍儲不聞清議安雄鎮匡救翻
憑幕府書

粉冷香殘舊院春金筌蘭畹總傷神休輕鶯燕閒言語勝國興
亡記最真

書堂夜坐

坐久能令竹簟溫棲遲不厭舊巢痕林深忽放煙藏屋霽淺時
招月到門三盃澆愁添白墮一鐙搖夢怕黃昏宵來幽思憑誰
訴牘有寒蟬可共論

池上夜雨

驕雷挾雨過橫塘電掣長空夜有光柳港應添三尺漲竹窗
得幾分涼聲敲孤枕響猶急氣逼疏鐙焰欲藏騎馬不愁官道
滑餅香菰脆兆年穰

胡梁園比部枚染病謝客向余乞花數本以實庭隙因

奉二律

修篁分綠上湘簾芳信纏絲寄尺縑學圃意恬非是癖乞花情
重不傷廉長鑱移去餘香惹曉檐肩來冷露黏料亦應嫌塵俗
擾閉門暫息效陶潛

一榻維摩示病同茶煙輕裊鬢絲風散花無計求天女梁園挈眷未至
故調刷藥還須課短童當戶槐陰搖淺碧臨流茜草蘸嫣紅何
時聚話聯心契咫尺金轂路未通

晚出西華門即目

鳳城西畔雨初收爲覓朋歡控紫驕月上涼生花外市鐙明人
語酒家樓賣冰銅盃敲何急催漏金鐘聽轉幽卻喜暗塵飛不
起烏紗紅燭引清游

慈雲寺小憩

香雲影裏雙竿刺紫馬來尋古石幢十里輕塵飄佛座一痕涼
翠落僧窗茶甌潑乳迎風漱粥鼓分齋向夕撞送客精藍歸路
晚豆花籬畔吠村尨

偶成

韞匱藏諸自是奇荆山人漫泣漣洏未除豪氣皆身累尙有名
心覺已癡涇渭須分杯裏物輸贏誰料局中碁青囊買得如苔
樣鷗夢時時到澤陂

贈党篷橋居士若

獨向清時事隱淪輓紅塵裏寄閒身下帷課讀書團坐開徑移
樽草沒人槐蔭功名虛館夢竹西簫管故鄉春龐公妻化童烏
沒小劫華嚴悟淨因

閉戶深居二十年蕭齋危坐榻常穿琴心寫意詩人韻花影傳
香畫叟禪斯世能誰逃白眼幾時小別歎華顛城南問字頻來
往流水交情翰墨緣

居士工繪事

贈漢子耕少尹

士鈞

遭際如鮎上竹竿一官十載滯長安事當有觸悲歡集情到無
聊去住難鄉夢常縈桃葉渡秋心暗滿菊花團惟餘逸氣難磨
折化作春蛇競筆端

飄泊徒嗟襪被忙澹園暫喜得相羊慣談綺語情爲累只愛高
眠性本狂撚筵竹樓歌數闋呼鐙蓮幕醉千觴最憐奉倩神傷
久魚目無端照夜長

曉出西郊書卽目

野水紆迴石徑斜半村半郭繞桑麻數聲梵唱僧持鉢一帶柳

陰人賣茶白鼻名騮穿蔓草青油官幕隱蒼葭朝天冠蓋城西
罷翻怪清游勝若耶

出廣安門

涼颼便旋初吹面寒色何時上驛亭閒裏馬蹏蹏秋深人
影亦伶俜露零殘柳稀疏翠雲間遙山斷續青行到綠陰休攬
轡哀蟬亂咽不堪聽

秋郊散步

冰雪襟期作冷吟幽思細共晚煙沈擘橙搓手香團袖採菊盈
頭露滿簪寒潦經秋清更淺暮山含照翠逾深探幽屐入荒林
樾惹得奚童沒處尋

放言

懷刺年年字欲殘
輭紅塵裏夢闌珊
功名堪笑餐雞肋
世味何

殊食馬肝亦識終南多捷徑但愁巫峽激奔湍大千一粒微嫌
窄宇宙從知酒國寬

攢雲玉槩伴幽居賸有閑禽集敞廬繞屋青山斜照裏堆門黃
葉冱寒初林泉志遠閒評畫鉛槧功深獨勘書驃騎偶思圖作
佛羞他雞犬餽丹餘

包中齋詩集卷四

1971

罕

同懷弟法良校刊

男崇福謹校重刊

抱冲齋詩集卷四

長白 斌良 笠耕

望雲陟岵集二

冬月赴陝右迎省 家大人畱別諸作

浮雲西北馳黃鵠將翱翔堂上辭阿母阿母淚浪浪告誡游子
言句句摧柔腸汝生二十五未獨歷遠方去歲赴遼東令我心
徬徨倚門復倚閭鎮日長相望茲緣省視切驅車向太行言念
汝父病倍使我心傷疾今或稍瘳家書寄

帝鄉事勿多隱避語不嫌精詳晨昏勤定省藥物須親嘗迢迢
千里路左右好扶將歲暮天氣寒征途冒冰霜蒙茸禦裘褐溫
潤攜酒漿寬以御僮僕謹以嚴行藏爾勿念吾身吾身素康強
汝克聆予訓曷異侍予傍游子聽甫畢涕零沾衣裳欲語口囁

嘯百端感茫茫書紳慎長路恪遵曷敢忘

朔風吹雁行相對各悲鳴徘徊遠澤中嗷嗷不成聲握手向西
郊依依弟與兄燕山五桂樹分到三枝馨叔氏侍慈幃沙漠終
年征前月仲氏去騶從遙趨迎今我事寧馬又作西安行椿庭
聞染病憂懷常屏營七旬白髮親風霜豈慣經邊陲少盧扁醫
術恐未精隔膜皆空談投藥無權衡今我急趨省良工待細評
弱弟乞偕往計左終難成弟隨非不佳伊誰守戶楹萱堂奉甘
旨弟畱兄責輕兄亦無他願椿萱祝並榮高堂體漸安客子心
不驚庭宇春常滿關山月自明分飛在瞬息此別難爲情弟莫
詢歸期歸期難定程

杯酒謝賓師旗亭勞祖餞把袂難爲言方寸今已亂中道久踟
躕片語託羣彥有弟齒尚芳華膺心必羨隨時常提撕庶不荒

游讌語竟日初沈風物盧溝暗塵埃蔽長空馬嘶人不見

曉行良鄉道中

晚寒如水壓征轡此際應謫行路難忍凍鈴聲鳴少澀衝霜帽
影掠纔乾道從殘雪消時認山向遙天盡處看稍喜初陽送暄
暝林端一抹露霞丹

過良鄉縣

高柳綠圍郭亂峯青到門年豐田畯喜邑小宰官尊布菽聊成
市柴桑各有村巾車來往熟籬犬息羣喧

過宏恩寺

寶樹深藏古寺陰時逢搖落亦森森柳遮略約橫難見雲隔疏
鐘響易沈瞥眼曇花非昔日照人松翠又而今趙州茶與雲門
餅口角機鋒著意尋

賣店途次

荒村寂歷人煙少
車過柴門吠小龍
水涸橋頭畱壞板
火然樹腹贖空腔
睡情繾綣詩難遣
寒意蕭森酒未降
惟有括蒼山色好
終朝相伴碧油幢

高碑店途次

冰堅野水明於鏡
地曠平蕪遠接天
官柳卻如人意懶
幾株低傍路旁眠

途中有感

慈幃久滯秦關路
望斷寒雲凍未開
天外鴈行勞目送
足端盼繫尺書來

保定大雪

變黶雲陰四面同
回看雉堞亂煙中
農家麥喜三逢白
僧寺牆

餘一抹紅不厭馬瘡歸店晚卻欣蝗淨兆年豐客來歧路休惆
悵轍迹還堪記印鴻

曉過新城

畫角山城破曉聞蕭蕭寒馬自呼羣冰凝曲港迷橋影風聚圓
沙疊浪紋驛路壯懷長劍倚雞窗殘夢短檠分清時不用嚴烽
堠廢壘敲斜臥斷雲

顧城驛卽目

柴門靜掩暮煙蒼搖曳鈴聲聽未央一片斷腸何處寫殘鷗衰
柳帶斜陽

晚過馬村

寒煙靄靄渡頭村風俗燕南異莫論結隊盡然竿子火齊來荒
塚賦招魂

土俗以除夕日束草於竿頭然火如炬各謂其
祖父之墓招魂歸家度歲土人名曰竿子火

除夕過松林店卽目

客裏幾忘歲序遷
驚心村鼓擊喧闐
兒童埽壁黏春帖
父老扶筇掠社錢
豚柵森森齊插棘
牛衣短短厚裝棉
太平風景盈甯樂
不在朱門在野田

旅次除夕有感

不見辛盤柏酒陳
年華暗換逐雙輪
聲聲爆竹鄰家晚
草草燈花客裏春
三百六旬將盡夜
二千餘里遠游人
瓣香默禱無他願
惟以康強祝老親

元旦安肅試筆

鈴鐸聲中又一年
康莊平步五雲邊
綵霞湧出瞳瞳日
得近清光我獨先

保定旅邸夜成

不識椿庭病經春愈未曾慈顏應稍改衰體恐難勝侍藥依兄
弟停驂賴友朋路遙遲省視愁對旅窗鐙

途中雜詠

村舍遙看列火城紗籠光燄燭人明農家誰解工圖繪十里春
鐙寫太平

幾樹垂楊夾岸栽一灣寒碧抱林隈青歸柳陌人歸里春色潛
隨馬勒回

穀餽牛車碾四輪兒童共載一家春生平那識風塵瘁水北花
南自結鄰

萬木陰陰繞屋斜儘多梨棗少桑麻村農卻惜閒花柳簪累低
垣四面遮

小憩勞肩假敝廬誰家學舍景清虛殘編禿管堆盈案想見村

夫子說書

膨脝窮袴厚裝棉
穠稔登場樂稔年
春帖紅箋書大有
幕門低掛紙黃錢

午雞哢徹人猶倦
寒馬嘶時路尙遙
輸與山村高臥者
繩牀蒲薦草團瓢

白楊蕭瑟繞沙村
寂寞荒城畫掩門
鴉背翩翻閃殘照
征夫此際倍銷魂

柳外旗亭煙外莊
輪蹄鎮日厭途長
一鞭飛度華陰翠
欲覓壺公縮地方

裁紅暈鵝費冥搜
心比蠶絲細細抽
著作漫誇巾篋富
聊憑閒詠散離愁

過定州城

紺塔玲瓏接太清行人指點定州城晚村斜照千家靜野屋春
煙十里平水齧金沙輕有迹霜沈畫角遠無聲泥人最是旗亭
柳踈地柔絲繫客情

邯鄲題壁

欲拋富貴學仙真盡道盧生是解人笑倒龕中高臥者可憐俱
是夢中身

未入夢時思入夢夢回那便悟仙靈蜩蟬舊夢聯新夢千載伊
誰解獨醒

蝴蝶華胥半未真聊憑妙諦覺斯民淩虛撰出間榮辱辛苦當
年說夢人

驅車羞見盧生像愧我勞勞未達觀此夢自知非易覺不妨沈
睡過邯鄲

湯陰謁岳忠武王廟二十韻

半壁金甌缺孤忠隻手擎黃龍期直搗鐵騎誓長征宗社愁將
覆熊羆勇莫撓風雲褫敵魄山嶽亞軍聲獨立助難策偏安局
已成相奸墮大計主懦壞長城盡奉南天蹕誰揮北府兵笙歌
甘忍辱繒帛重聯盟雪窖冰天慘春江夜月明兩宮魂不返三
字獄無名國恥千鈞重殘軀片羽輕亭傷摧柱石井憶墮瓊英
績比張韓烈功逾璘玠榮旗常垂不朽袞冕望如生代謝雷碑
版人來拜殿楹然鐙列鳬雁像物鑄鯢鯨舊座青苔蝕空塔紫
蔓縈松楸曾展謁桑梓歎經行風冷靈旗飈霜清古劍鳴虬枝
猶北指遺恨總難平

旅次書懷

用八齊一百三十二全韻

琴書辭直北行李下安西關隴增惆悵川涂歷慘淒袖痕黏別

酒塵影逐奔蹏陟岵情徒切登途意自徯幾曾瞻色笑終是隔
雲霓客路愁偏劇天涯草易萋殘蘆沈曲港疏柳接長隄螺髻
參差湧虹橋遠近批榮枯終莫定剝復恐難齊卒歲農家樂停
驂旅客淒年華曰爲改雲物互相締兩面街頭鼓三隅屋角炷
桃符換樞達桂醕貽偏提野老腰偃僕村姬貌好媿扶衰依竹
杖貼鬢藉花篋薦福陳鹽歎遺脩用棗梨鄉儺躍羆虎社戲駭
鳬鷖豐稔連三輔恬熙集庶黎羣情皆皞皞余意獨栖栖聞道
嚴君病柔腸痛似割魂驚失后當志亂脫車輓疇昔遭嚴譴冰
淵懷薄澌荷戈馳異域催鉢和同陞東坡大人命和恩命頒烏
什巖疆撫白氏雪花鎔鐵硯月暈冷銅鞮舊鎮兼西虜新銜換
北侯邊烽清苜蓿海患念鯨鯢報國蒼鬚髮懷鄉落齒齟齬關
身幸入 丹陛足難躋浮垢慈容改飛沙老眼迷駐顏思玉札

刮膜想金鑪鄉信憑邊報家書託友齋采薪憂偶抱裁藥寵誰
攜溫合投薑桂涼宜屏蠶黎難遇扁鵲客漫製刀圭念此心
頻悸行來淚暗悽徬徨失家犬進退觸藩羝步急嫌途阻驂羸
怕路蹊秦關雲暗堞函谷樹團谿天上多鴻雁塵中少駉驄仲
鞭先躍躍況轡敢折折燕山弟先迎于甘肅去矣連燕趙飄然望鄜鄜登
堂拜慈母入室慰荆妻有願迎沙磧無情戀繡娃驕兒知擊袂
弱弟共舉視諼草祝榮背棣華盼茂蕙誨余殷舐犢顧僕漫歌
驪絃水諳无念門閭望或睽痛瘡甘憊矣定省亟歸兮歷歷過
中土迢迢指下邳洛津寬莫渡華岳峻難梯不憚奔馳瘁甯愁
雨雪霰銷魂聆鐸語失侶訝嘶嘶晚宿投林鳥晨興警店雞殘
星看閃灼斷隴步昏鷺旭日銅鉦燦朝霞蜀錦縷爨煙穿樹直
帘影拂頭低零落姜生被淒涼范叔綈煖思燒楮冷欲炙鏤

錦霜落沈笳管風寒凍鼓聲戒嚴常結伴利涉每相詆略約依
橫木團瓢引曲杆逕遙多牧豎冰合少魚娛斷輦環瓜艇枯萍
帶竹筴沙虛沈跼跋風勁捲埃堅磯畔猶拳鷺林端罷咽蜩水
村餐水母山鏡舞山鵝安否調鸚鵡蒼黃叫鷓鴣驅狼畫環玦
罹免設羅罟寂若尋青豆塵休染黑碑檐敲栖怖鵠黿壞臥殘
驤院靜僧何往年湮代莫稽碑傾餘蠹屬社散失瓠齏不聽喧
清梵惟看挂廢鑄遺榱剝黝堊碎瓦墮琉璃方外情如此吾儕
事可憐放懷神獨往延古目空睨土俗村村異郵籤處處叩抱
關勞詰責行賈厭排擠裘敝渾難綻輪摧那計駕車材攻柎櫓
索諺斫揆榼小憩過茅舍微行傍石磬詩情羣瘦島畫派近迂
倪亂水流橫直隨山轉突窒防身依劍鏑壯色藉弧鉞式飲多
泥滓加餐半稗稊罌頭捐蠟蠟缸面漉蠟蠟沈醉羞依甕高歌

憤撫輒漫思撈翠釜深惜挂園棹入饌晶鹽糝登盤石髮齋元

脩誰癖嗜細膾不精剗一斗輕舂粟雙弓碎煮糲澆書沽野釀

秉燭乞鄰醯土銚沈牛勃繩牀積燕泥支頤拳當枕綰髻木為

笄長薦鋪藜藁深杯曲杞棲簾敲飛蠟鐙炮竄鼯殘夢行

難續新吟意懶題風侵手皸瘡日炙面緇鰲丰采慚王謝襟懷

類阮嵇移文愧猿鶴雋味想鱖鯪有恨空彈鋏無心孰佩觿凭

欄看鴨鬪繞樹聽鶯哢夜雨三間屋春風十具犁駢馳踰遠陌

絮語憶深閨親舍望雲狄侯封失國兒元和姓纂郗武公封次子于郗後失國為兒氏

漢有兒寬韻作兒與支韻異支筇扶老僕納履藉童奚去日天威震來時

霽色霽終朝檐噪鵲絕塞渚然犀雪節初著芒霜刀遽瑩鵝簾

勝慳赤仄毳幕裏青緹睇戶欣歸燕征裘謗釋屨後先隨叔季

左右奉提撕顧我逢張角瞻天迴斗奎七旬溫清隔四載起居

睽游子思恆迫行程聽勿睽早能親劍鞞絕勝獲璜璫計日門
旋馬當階樹喚鷗紺桃紅入戶春草綠盈畦鞠醺躬稱壽萊斑
敬介褫金貂搖帽影羅綺曳衣褻佳茗烹魚眼名香脫麝臍畫
梁栖翡翠寶鼎列狻猊瘳疾延年艾同光照夜藜竈騰丹九轉
咳養膳三鸚幡勝垂幺鳳冠簪綴小蛻童孫欣索果翁媼笑含
飴共慶椿萱茂相期福祿脰團圓金鏡滿璀璨彩繒繁舉室歡
融洩全家解勃娖籌應添鶴算卜豈待靈螭無限庭闈戀長歌
寫赫嶸

路經衛輝府太公祠

驅車有客過洛汭古祠零落沈荒阡攬衣下馬入蘭若瘦瓢自
酌尋山泉庭前檜柏翠將滴堦除猗發衣頻牽殘僧迎人禮數
少性若野鶴身飄然千秋華屋益感歎遺廟突兀寺左偏大書

尚父舊閭里綽楔粉版深雕鐫人來稽古空悵望幸有斷碣凌
荒煙蒼苔剝蝕字漫漶蟲魚未辨心熬煎詳看碣尾刻大魏潮
從定武初開年客子穆山號行父鳩工重建收金錢維公裔孫
名尚器齋祠舊闢止三椽只思魚菽申企慕那冀輪栢相流沿
後人接踵拓基址碧殿朱簷浮雲邊國家代重報功典春秋籙
豆開深筵碑殘文斷半揣擬筆勢秀挺書連蟠深文古奧難驟
讀聲牙齟齬脣流涎銀鉤鐵畫勁如削腕力直欲迴金鉞平原
子厚詎垂首秦斯史猶堪隨肩隄靡一斗恣敲擊篋中但恨無
椎礪摩挲再四不忍釋衫袖亂染苔痕鮮殘碑撫罷悉顛末才
子慨慕還流連緬懷尚父古賢哲手迴晦運扶八埏當其商紂
肆暴虐屏棄世事隨風湍乘時帝師起漁釣後車載自磻溪塹
鷹揚未誓牧野眾熊夢已兆陳師先乃知異數各有定非常峻

業皆由天戎衣一著商鼎改八百周祚垂延縣奇功炳然如日
月曷待廟貌方流傳苟非遺迹峙伊洛光韜蹟晦何由宣山河
亦藉巨壁顯勢若輔車相蟬聯此邦古屬博望郡地帶倉谷襟
紂川四千載上產賢哲山河靈秀常鍾焉客程不暇恣游覽於
茲展覲洵天緣徬徨殿廡緩整轡冉冉落照催征鞭

清化鎮竹塢題壁

買得淇園青竹兜相將穿破碧煙稠笙竽滿耳喧天籟消得離
人幾許愁

煙梢直上插晴空襯出螺峯翠幾重添箇紅泥小亭子恍疑祓
禊坐春風

森森玉槩萬株攢料峭東風上石闌一逕綠雲吹不起惜無翠
袖倚天寒

野水紆迴流繞鳥清陰淡沱綠沾裳偶過蕭寺逢僧話地隔紅塵日較長

萬个簷簷繞屋斜如他幽景屬山家結鄰願得聯晨夕水竹居連細煮茶

故園亦有千竿竹結得茅齋傍石湍上番移來新筍茁歸時好與報平安

孟津渡黃河二十韻

天上黃流湧中華萬里奔一支分洛汭眾派發崑崙星海源堪導梁洪險莫捫銀濤翻貝闕竹箭下龍門疏鑿神功遠平成禹蹟存孟津波漸匯雍豫氣潛吞客每臨流感舟緣競渡喧紅塵連浦暗碧樹接煙昏帆轉迴風亞篙撐急溜渾鴻毛輕性命犀角鎖心魂蓮岳橫三朵蒲關渺一痕掀騰甯少息浩淼總無垠

到及波紋靜來過草色暄桃花添漲煖瓠子聽歌繁瞥眼離高
岸回頭認遠村鷁飛珠沫濺鯨掉浪花噴壯觀應須記羈愁孰
與論浮沈類萍梗飄泊信乾坤沙迴愁盤鶻洲深想化鯢乘槎
空有願何處覓天孫

晚過山坡口深谷

深谷行來晚巉巖不可升仰觀天一綫曲繞磴千層窄逕剛容
轂懸崖倒挂藤高堂勞遠夢到此益冰兢

函谷關

極目峭函固羣山鎖峻城峯巒排利鏑草木列奇兵洵可丸泥
護纜容匹馬行清時非恃險巖邑贍嘉名

過汾陽王里

隻手重回天地春良哉唐室股肱臣澤深漸化羌夷眾才大能

全富貴身晚歲聲歌聊繾綣後堂兒女任喧曠我來故里懷遺蹟似此王侯有幾人

同懷弟法良校刊

男崇福謹校重刊